

Cumegn da Surses



Lescha
davart igl adiever da fis artifizials
(Lescha da fis artifizials; LFA)

Cuntign

Pagina

I. Determinaziuns generalas	
Art. 1 - Egalitad dallas schlattagnas	3
Art. 2 - Scopo	3
Art. 3 - Survigilaziun, execuziun	3
Art. 4 - Dretg resalvo	3
Art. 5 - Ordinaziuns generalas	3
Art. 6 - Noziuns	3
II. Ordinaziuns davart igl adiever da fis artifizials	
Art. 7 - Scumond da fis artifizials	3
III. Disposiziuns penelas	
Art. 8 - Cuntravenziuns	4
Art. 9 - Meds legals	4
IV. Disposiziuns finalas	
Art. 10 - Antrada an vigour	4

La lescha preschainta vign relascheda a basa digls artetgels 8a e 17 dalla lescha federala davart materials explosivs; digl art. 3, art. 8 ed art. 11 dalla lescha davart la protecziun preventiva cunter incendis ed igls fatgs da pumiers aint igl cantun Grischun (lescha davart la protecziun cunter incendis; DG 840.100); digl art. 5, art. 79 ed art. 81 scu er art. 37 dalla lescha da cumegn digl cantun Grischun (DG 175.050).

I. Ordinaziuns generalas

Egualitad dallas schlattagnas

Art. 1

Denominaziuns da persungas, funcziuns e professiuns ainten chella lescha sa refereschon a tot las schlattagnas, schinavant tgi sa resulta navot oter digl senn dalla lescha.

Scopo

Art. 2

La lescha preschainta serva a mantigneir igl pôss ed igl urden e regla surtot igl arder fis artificials sen igl territori digl cumegn da Surses.

Survigilanza, execuziun

Art. 3

¹ La suprastanza communal è responsabla per la survigilanza e l'execuziun dalla lescha davart igl adiever da fis artificials, part da chegl è er l'obligaziun d'infurmaziun correspondent.

² La suprastanza communal pò delegar l'execuziun dalla lescha u pensums singuls alla direcziun communal u a funcziunaris communal.

Dretg resalvo

Art. 4

Igl dretg surordino resta expressivamaintg resalvo.

Ordinaziuns generalas

Art. 5

Gl'è scumando da disturbar igl pôss public, igl urden e la siertad u da periclar la siertad da carstgangs, ambiant e possess. Gl'è scumando surtot da mulestar, far strameir u da metter an prieve persungas ed animals cun arder fis artificials.

Noziuns

Art. 6

Scu objects pirotecnics e fis artificials valan igls objects pirotecnics e fis artificials tenor la lescha federala davart materials explosivs e las disposiziuns executivas cun annexas tgi èn an vigour.

II. Ordinaziuns davart igl adiever da fis artificials

Scumond da fis artificials

Art. 7

¹ Gl'è scumando dad arder objects pirotecnics da tot gener (fis artificials) e da lascher sgular gliternas da tschiel sen igl territori digl cumegn.

² Schinavant tgi na vignan produtgias nigns effects da canera spezial èn exclus digl scumond da fis artificials: fis artificials da meisa, sbrenzlas, fis bengals, gleischs romanas, vulcans, tizungs, shows da fi.

III. Disposiziuns penalas

Cuntravenziuns

Art. 8

¹ Cuntravenziuns allas disposiziuns communalas vignan puneidas dalla suprastanza communal tenor lescha cun multas da CHF 300.00 anfignen CHF 800.00, tot tenor colpa, ed an cass da repetiziun anfignen CHF 10'000.00 tenor art. 106 digl codesch penal svizzer (CP).

² An levs cass ins pò admuneir anstagl da dar ena multa.

³ Resalvos restan cass tgi èn smanatscheas digl dretg federal u cantunal cun castei.

Meds legals

Art. 9

Disposiziuns dalla suprastanza communal pon neir contestadas ainfer 30 deis siva dalla comunicaziun cun far recurs alla dertgira digl cantun Grischun.

IV. Disposiziuns finalas

Antrada an vigour

Art. 10

Chesta lescha vo an vigour cun l'approvaziun antras la radunanza communal per data digl conclus.

Approvo dalla radunanza communal digls 27 da mars 2023.

Per la suprastanza communal Surses

Igl mastral:



.....
Leo Thomann

Igl scrivant da cumegn:



.....
Beat Jenal